



Georg 1015



Georgs-B.

451

104
unus fu
ita nos
itari. p
E. ma
meū: qu
m. **Stat**
ue uos o
uos uul
ū. Et q
ei. Et o
um q̄i ig
lonum.
argentū
abit eos
lno offer
lacebit d
tes seli
En Su
fl. p. n
am in m
de n. d
e us ita
is. **Sic**
ni. i. d. ill.
idimus
s. d. s. d. s. d.
e. v. i. a
i. i. i. d. d.
m. i. o. f. a
s. i. i. s. i. i. d.





Das Achtze-

hend capitel Adat-

thei. Wie man mit den Schwachs
glaubigen vnd sündigen
Menschen/Christen
lich handeln
solle.:

Wentzelslaus Linck.

M. D. XXXV.



An den Christenlichen

Leser.

Gottis gnade ic. Wie wol nit not ist zu vnsern
zeiten / da so vil hochgelarter erleuchter meñer
sein / die mit götliche geiste geleret / heylsamen
schuffte / zu besserung des glaubens / vñ zerstö-
runge der yr-sale außgehen vñ duchen lassen / das ich vñ
meins gleichen etwas schreiben / vnd also nach gemeyn-
spüchwoite / wasser inß möhr zütrogen vornehmen / Ra-
auch besorglich das die vilfeltigunge der bücher mehr
nachteil / dan frommen bey den leuten gebere / vnd die her-
gen vñ lauterer einfeltigen worte Gottis / darauffeyn
Christlich gewissen alleine beruhen soll / absüre: Vdoch
sein die schuffte so zu verstandt / vnd anslegung der Bi-
bliien / dienen nit gar zu verachten / Dan darinnen mag
einfeltige mensch zu nemen / vnd in weyteren begriff der
götlichen schuffte kōmen. Der hochgelarte aber / darauß
vurteilen wie man die schuffte handle / vnd darinnen zūne-
me. Dazū auch der so selber schreibe / sich darinnen vñ-
Dan gottis wort allerley weise / mündelich vnd schuffte-
lich gegen den beywesenden / vnd abwesenden soll getri-
ben werden. Derohalbē ich verursachet / etwas weniges
Als vil got gnade verleyhet zu außbreytunge des götli-
chē worts furgenōmen / Nit auß eygener klugheit. Son-
dern mehr auß den schriften der andern / forderlich aber
D. Martini Luthers / Philippi Melanchthonis ic. zum
Tabernackel des herren opferten ezliche goldt / silber /
seyden / Ezliche aber zigenhar / schaf fel ic. ein yder nach
seinem vermügen. Hierumb lieber leser nymb Christen-
licher meynüg an dises Achzehend capitel Machei / biß
so lange das Got etwas bessers verleyhet. Gottis gnad
sey mit vñß allen. A M E N

Das xviii. Capitel. Mathei.

quomodo erga infirmos et pctōies se habere
debeat Christianus.

In ganzen Euāgelio erzeygt sich der heri Jes
sus Chriſtus allenthalben / nicht prechtig vnd
tyranniſch / alſo das man ſich für yhme fürchtē
ſolte. Sondern demütig vnd freuntlich gegen
yederman fürderlichen / aber gegen den armen / elenden /
verlaſſenen / betrübten ſündern. Alſo das man yhn muß
lieben / wo man yhn recht erkennet / Darumb wir in alle
anfechtungen vñ nödten / ſie ſein leiblich oder geiſtlich /
ſollen zū yhm zūflucht haben / vñ ſonſt nyrgent hin / we
der zum heiligen / noch zū andern creaturē / Vermaledeyt
ſey der anderſwo troſt vnd hülffe ſuchet / vñ diſen eynt
gen ſeligmacher verachtet. Alſo ſpricht der Prophet. *Ziere. 17.*
Vermaledeyt ſey der in einen menschen vertrauet vnd
ſeinen troſt auffſ fleiſch ſezet. Derohalben fordert er zū
ſich alle betrübten / durch ſeine werck vñ wort. Nemblich *Math. 11.*
da er ſpricht / Kompt zū mir alle die yhr müheſelig vñ be
laden ſeyt / ich will euch erquickē ic. Alſo namb er auch *Math. 17.*
mit gnaden auff den Nonſüchtigen / ſo mit dem ſtum
men tauben teuſſel behafftet / vñnd yamerlich geplaget
was. Alſo machet er ſich willklich zinsbar / wie wol er
frey vnd aller dingk ein herie was. Nur das er vnſ ler
nete / auß liebe yderman willklich zedienen vnd zühelf
fen / Auch mit vnſer ſelbiſt beſchwerunge / Vnd das nie
mandt ſuche was ſein iſt / ſondern ein yglicher was eins
andern iſt. Alſo thet S. Paulus da er ſagete / Ich mache *i. Corint. 10*
mich yderman in allerley gefelligk / vnd ſuche nicht was
mir / ſondern was vilē zütreglich iſt / das ſie ſelig werde
Seyt meine nachfolger / Gleich wie ich Criſti. Demnach
leret vnſ Chriſtus im. xviii. Capitel Mathei. Wie wir

die schwachen / Francken tragen / vnd vns gegen den sün-
dern halten sollen / das wir sie stercken vnd zur büsse be-
seren. Es wirt kein Christenlicher werck funden / dan dz
man der andern sünde vñ gebrechlichkeit trage. Dan auch
Christus darumb in die welt komen ist das er die sünd-
er wolte seligen / vnd das verlorne schaff auff seinen schul-
tern widerumb heym trage / Man muß yhe die vnreynē
kinder nit für die thür hinaus werffen. Sondern allzeit
eins dem andern fortheiffen / Darnon redet diser Text
Mathei am achtzehenden:

Text.

Zu der selbigen stunde traten die Junger zu Jesu vnd
sprachen / Wer ist doch der grössist im hymelreich? vnd
Jesus rieß ein kindt zu sich / vñ stellet das mitten vnter
sie / vnd sprach / Warlich ich sage euch / Es sey dan das jr
euch umbkeret vnd werdet wie die kinder. So werdet jr
nicht ins hymelreich komen / Wer nu sich selbs niderigt
wie dises kindt / der ist der grössist im hymelreich / Vnd
wer ein sollichs kindt auffnimpt in meinem namen / der
nimpt mich auff / Wer aber ergert diser geringsten ey-
nen / die an mich glauben / Dem were besser das ein mü-
lein an seinen halß gehengket würde / vñnd er erschuffet
würde ym mehre da es am tiffesten ist.

Math. 17. ¶ Dieweil der heri nur drey Aposteln zu seiner verklarung
nam / Erwüchs in den andern ein eyser / Dieweil er auch
gesprochen hatte / das er sterben vnd er stehen würde.
Wellich wort die jünger fast sere betrübt / sie kündens
auch nit begreyffen / Hatten vnter einander ein frage /
Mar. 9 Was doch were vom tode er stehen im geyste regnirēt
Derohalben sorgeten sie / Wellicher yhr vorgeher vñnd
öberer sein solte wann Christus gestorben were / Hetten
villeicht nach menschlichem wahn / disē meynunge / Die
weil Christus leblich nicht bey yhnen were / müsten sie
einen andern viktumb habē / Gleich wie yzunde die Pa-
pisten den Papszt zum Vicario Christi auff erden mache

vnd
ein
bene
vicar
er im
mens
liche
im re
vnd
reich
tion
vnd
tet y
dari
euffe
ben
abe
meln
kom
am
alles
in d
nur
dem
zu m
alle
dem
mir
so w
de v
sagt
mü
dar
tum

vnd doch selbst in yhren geystlichen rechten setzen / das
ein statthalter / als Christus in angenomer menscheit eyn
benelhaber vnd gewalts haber gottis ist / keinen andern
vicariū müge setzen / verstehen nit das reich Christi / Wie
er im geyste regniret . Auß sollichem oder der gleychen
menschlicher affectio fragten sie all hie den herren. Wel
licher vnter yhn der grösser im hymelreich were (das ist
im reiche Israel) Wellichs Messia wider auffrichten
vnd ansahen solt. Sie fragen aber fleischlich vō hymel
reich / das ist von eüsserlichem regiment vñ administ
ration / Welliche der herz an seiner stadt yn zum vorsteher
vnd puelaten wolle setzen. Aber d herz Christus antwort
tet yhn geistlich / vnd leret sie in dem / wie gottis reich
darinnen er die kirche regiret / nicht fleischlich / odder in
eüsserlicher weise / Sondern geistlich zügehe / Derohal
ben er auch keines statthalters bedörffe / Weiset sie also
abē vom fleische zum geiste. zeygt yn an das gottes him
melreich sey ein bekereter geist / vñ ein warhaftige voll
komene demüt / Vnd in sollichem reiche der grössste / der
am demütigsten ist. Dardurch hebt er auff vñ verwirfft
alles weltlich eüsserlich geprenge / vñ eüsserlich regimēt
in der Christenlichen kirchen / die ein reich gottis ist / vñ
nur im geyste durchs Euangelio regiret wirt. Solliche
demüt vnd lindikeit des hertzen hetten die Aposteln da
zu mal nicht / habens auch alle fleischlichen nit / sondern
alleine die den geist Christi haße. Derohalben leret er sie
demütig sein im geist. Wie er auch sonst sagt / lernet vō
mir / den ich bin senfftmütig / vnd demütig von hertzen /
so werdet yhr ruhe finden für ewre selen / Da fryde / freu
de vñnd gerechtikeit / so im reiche gottis sein. Darumb
sagt er auch das hymelreich sey der geistlich armen. Des
müt aber des geists / die er alhie yn kinde bezeigt ist / da
durch wir nichts von dem vnsern rühmen / weder reichs
tumb nach leib nicht gaben des gemüts / Als weyßheit /

Math. 11.

Roma. 14

Math. 5.

vorsichtigkeit/höflichkeit/Keüschheit ic. ¶ Hierumb vff das
 der heri Christus auß yhren hertzen ganz außrottet solt
 liche fleischliche meynunge/vnnd sie zu verachtung yhr
 selbst vn̄ ganzer demüt brechte/rieff er ein kindt zu sich
 Wellichs/hindan gesetzt die erbliche angeborne sündt
 liche gifft/nach frey ledigt was/von allen menschliche
 begirden der ferwitz/neydts/hoffart ic. vn̄ ganz lauter
 reyn lebte/nach leytung der natur / Dan̄ eygentlich kind
 der sein / die von sich selbst nichts halten / auch auff die
 Krefte des freyen willens nicht barwen / Grosse sein die
 von sich selbst yhrem freyen willen/vnd eygenen werck
 en etwas halten / Kinder sein die Sanct Paulus töp
 ferne gefesse nennet/die der welt gecreüziget sein / Vnd
 yhren eygenen begirden / durch den glauben gesterbet/
 Dan̄ das Euangelion wircket nicht in den grossen gleis
 senden aufgeblasenen/sondern nur in den kleinen demü
 tigen / die Kinder sein in der bößheit / Ein sollich kindt
 stellet er mitten vnter sie / anzüzeygen das allen vnd yet
 den jüngern Christi dise lere gegeben würde. da er sagt/
 ¶ Warlich ich sage euch. Es sey dan̄ das yhr euch umbte
 ret ic. Des solt yhr gewiß sein / Wo yhr nit gewandelt
 vnd umbkeret werdet / vnd alle fleischliche affect ables
 get/vnd alle art eygenschafft vnd einfeltigkeit dieses kind
 des annempt/ So werdet yhr nicht Christen sein/Christ
 wirt nit regniren in euch / sein reych auch nicht in euch
 sein/Vil weniger sollet yhr nach der höhe vnd oberkeit
 trachten. Erstlich Eren wir vnß vmb/Darnach werden
 wir als die Kinder/Wan̄ wir an vnß selber vnd allen vn
 fern Kreften verzagen vnd ganz gesterbet sein/Die be
 kerunge gehet fur der sterbunge/vn̄ durch die bekerung
 vnd sterbüge Können wir zur kindtheit. ¶ Wer sich nithe
 nyderigen. selbist nyderiget / das ist sich selb den aller ergiften sünd
 der erkēnet/an yhm selber vn̄ an aller seiner frömkheit vn̄
 zweiflet / allein auf gottis gnad vn̄ Christi gerechtigkeit

Kinder im
 reychte got
 tis.

sich v
 ym f
 lich d
 eygen
 ten /
 Derse
 das e
 mein
 Also
 tigen
 heup
 men
 gung
 im n
 derig
 sch t
 thut
 weg
 des f
 ¶ W
 glau
 glau
 ster
 hen
 allen
 fern
 übu
 Wel
 in d
 die p
 so d
 mac
 len
 nur



sich verlest / In allem thun / sich gänglich gotte / nicht
ym selber nach seinen krefftē vertrawet / Sondern gēn-
lich dem willen gottis sich vntergibet / Erkennet sein
eygen finsterniß / vñ vnvermügen seiner natürliche kreff-
ten / wie gar nichts er vermüge one die gnade Christi.
Der selbige ist der grössste im himelreich Christi. Darüb
das er der wenigste sey / Vnd wehr ein solliches kindt vñ
meinert wegen auffnimpt / der nympt mich selber auff /
Also grosse gnad vnd ansehen haben bey mir die einfelti-
gen / demütigen / Das sein meine stadthalter vñnd die
haupter in diser welt in meinem abwesen / Christum nes-
men an die / die nicht auß fleischlicher / menschlicher ney-
gung / sondern auß dem geist vnd Christenlicher liebe /
im namen vnd von wegen Christi annemen / einen gēn-
derigeten / gedemütigen verachten menschen. Das fleys-
sch thut nichts im namen Christi / sondern alles was es
thut / thuts von seins eygenen nutz wegen / es suchet all
wege das seine / Im namen Christi etwas thun / ist nit
des fleischs / sondern des heyligen geists.

¶ Wer aber ergert diser geringsten einen / die yn mich
glaubē / wie wol noch vñvolkommenlich / die newlich zum
glauben bekeret sein / aber noch nit bekrefftiget vnd ge-
stercket / Sie wollen niemandt vbell / neyden keinen / zie-
hen sich nymandt fur / lieben zūgleich allesamt / haben
allen yhren trost an mir alleine zc. Sein doch noch nit so
ferne kommen das sie nichts verlegen kündt / die nach in s-
übunge stehen kinder zewerden / vnd sich selber zesterben
Wehr einen sollichen ergert. das ist / etwas anderst wan
in der heyligē schrifft verfasst wirt / leret / Als do thun
die prediger der werck / vnd gerechtikeit des gesetzes zc.
so die gewissen der kleinen / schwachglaubigen vnruhig
machen / vnd dieselbigen vff die werck vnd freyhen wil-
len weyssen. So doch im Euangelio vñ götlichen schrifft
nur der glaube / in Christi zū gerechtfertigunge ge-
leret

wirdt. Derohalben man blöflich/lanter vñ einfeltlich
gottis wort soll predigen/ dann wo wir vnser eygen ge-
duncken oder affect dar vnter mischen/bringts kein frus-
cht/wie wir geruffen werden/also predigen wir/Die be-
ruffunge gibt der predigt krafft vnd macht / Wer also
glauben vnd liebe des negsten verlezet / vnd yhm vrsach
zü misglauben vnd sündigen gibt/dem were besser man
hinge ym ein mülftein an den halsz ic. Schaw wie gar
ein schweer vrtail fellet der herre Christus selbst/wdider
die verlezter der krankē/schwachglaubigen/ Herwider
umb grosse gnade gegen den/die yhre krankheit tragē/
sie vffnemen bisz sie basz verstendig vñ stercker werden/
Zierumb auch S. Paul⁹ gar ernstlich ermanet/ das wir
die krankten tragē sollen/so wir anderst als fromme Chri-
sten/dem exempel Christi nachfolgen wollen/ da er spri-
cht/Wir/die wir starck sindt sollē tragen der schwachē
gebrechlichkeit/vnd nicht ein gefallen an vnß selber habē.
Es stelle sich aber ein yglicher vnter vnß also/das er sei-
nem nehisten gefalle zum gut/zur besserung / Den auch
Christus an yhm selber nicht gefallen hatte/sondern wie
geschriben stehet/die smache dere / die dich schmeheten/
sind vber mich gefallen ic. Es were besser einem mensch-
en/er were todt/dan das er einen schwachen im glauben
ergere/dan zeitlich leben / ist nichts zū vergleichen gegē
dem glauben vnd leben der selen/One wellichen alle an-
dere güter vñnd Gaben gottis nichts nütze/sondern nur
verdamplich sein dem menschen.

Roma. 15

Text.

¶ Wehe der welt der ergerniß halben/ Es muß yah Er-
gerniß kommen/doch weh dem menschen: durch wellichē
ergerniß kompt.

¶ Ach leyder es wirt der welt vbel gehen/vñ grosse pla-
ge vber sie kommen/dargegē der leyliche todt nichts zū
vergleichen ist. von wegen der ergerniß solllicher kleinē
Dan gewißlich plagt got die welt mit so grossen kress-
tigen yrrsalen/

gen
sün-
lich
vert
zen.
erge
war
dem
habē
and
kress
geri
ben/
Sol
pred
laut
pest
en ic
ding
vnd
Cdar
glau
Wie
gesd
dan
auf
¶ U
erge
send
wel
cht
Chri
chen
tum

gen yrisalen / mit so schendlichen / offenberlichen große
sünden der zodamei / Simonei ic. Vnd mit andern leip-
lichen vñ geistlichen plagen / Hernachmals mit ewiger
verdampniß / darumb das man mit menschen leren / gese-
gen / vnd lügenhafftige leren / die schwachen im glaube
ergeret. Wie S: Paulus sagt. Darumb das sie die liebe &
warheit / die do leret sein selber vergessen / vnd das einer
dem andern zum besten dinstlich vñ furderlich sey / nicht
haben auffgenommen zur selikeit / Sondern einer hat den
andern geergert mit falscheit / Wirt yhn Got zūsenden
kressige yrthumb / das sie glauben der lügen / auff das
gerichtet werden / alle die der warheit nicht glaubt ha-
ben / sondern haben lust gehabt an der vngerechtikeit ic.
Sollich weh köpt der welt durch die falsche lerer / kuche
prediger / suppen fresser / teller lecker / vñ heuchler / so dz
lauter Euangelion felschen / Wan vngewitter / tewrüg
pestilenz vnd der gleichen vnglück / als krieg der Türck
en ic. kōmen / so richtet man procession / mess / vñnd ander
dingt durch Mönche vnd pfaffen an / So doch sollich /
vnd ander weh der welt / auß yhren versürischen leren /
Dardurch die kranken / schwachē Christen geergert im
glauben / sie aber gereicht vñ gemestet werden Dentsteet
Wie Christ alhie sagt / Es werde der welt wee vñ leidt
geschehen / von wegen der ergerniß der einfeltigen. Wie
dan auch Apoc. 9. von dreyer ley wee geschriben ist / das
auß den leren der hohenschulen entstehen werde 2c.
Mit allein aber wirt & welt wee kōmen auß sollicher
ergerniß / darauß das got derhalben schwere plagē wirt
senden. Sondern auch das der grōsiste / meyste teyl der
welt / durch sollich ergerniß versüret vnd zū sünden brach-
t wirdt. Wie der heri Christus sagt. Es werde falsche
Christi vnd falsche propheten auff stehen / vñ grōsse zey-
chen vnd wunder thun / das versüret werden in den yrr-
thumb (wo es müglich were) auch die aufferweleten ic.

2. Thess. 2.

Math. 14

B

Seltlich
eygen ge-
kein frus-
r / Die be-
Wer also
m vrsach
esser man
o wie gar
t / wdider
erwider /
it tragē /
werden /
/ das wir
ome Chri-
da er spū-
schwachē
lber habē.
das er sei-
Den auch
ndern wie
meheten /
m mensch-
n glauben
ichen gegē-
en alle an-
ndern nur

uß yah Er-
h wellichē

große pla-
nichts zū
her Kleinē-
ssen kressi-
t yrisalen /

Also spricht er alhie/Wee der welt/das ist yhr vilen vñ
den ansehlichsten/Dañ durch die welt werden verstant
den die aller gelertisten/weyffesten/frömmisten/mechtigs
sten/vñd heyligsten im schein/die durch den schein yrer
heilikeit/klugheit ic. Vil menschen ergern werden/Sel
ber auch sich an der warheit ergern/Dañ wan das Euan
gelion geprediget wirt werden/Wirt man yhr vil sindt
die auß neyde vñd haß bewegt/verfolgē werden die pre
diger: vñ verlestern die yhn gūts thun: auch tödten die
yhn das heil bringē. Solliche ergerniß aber werden zum
besten reychen den die sie dulde/Da auch zu nutz der gan
zen welt: aber zu verdampniß dem/der sollich ergerniß
anrichtet/darumb sagt er ferner.

1. Corin. 11

Es muß ya ergerniß kōmen/dañ der menschē Bosshete
ist zu groß / darumb kan es nicht fehlen. Daz zu müssen
die außgewelētē dardurch probiret werde/Wie S. Paul
lus sagt. Es müssen partheyen vñd spaltungē vntern
Christen sein/auff das die so bewerdt sindt vnter yhn of
fenbar werden. Die gotlosen/vñd all ergerniß sindt von
der außgewelēten wegē / vff das sie dardurch destēr haß
gottis barmhertzikeit erkennen/ das auch yhr glaube vñ
suchet/probiret/vñd herlich befunden werde/Wan fals
che bey dem Euan gelio auff kōmen / so sibet man wellich
leuterlich das Euan gelio suchen. Dan gleich als wann
der Türcke krieget/fallen yhr vil vom Christen glauben
zu Machomet des Türcken got/ezliche auß forcht/ez
liche aber auß hoffnungē zeitlicher gūter. Also wan das
Euan gelio verfolget wirt durch falsche propheten/vñ
ergerliche leren / so sibet man wellichs rechte gläubige
Christen sein/oder welliche sich selbst suchen. Es fehlet
nicht Christus muß ein zeychen der widersprechung sein
dan er ist gemacht zum fall vñ vfferstehe viler in Isra
hell/auff das viler hertzen gedanken offenbar werden.
Der glaub ist im menschen also groß / als vil die affect

Luce. 3

In yhm vernawet werden / vñ das hertz gereyniget / Wir
Können auch nichts vñ glauben sagen ehe dan durch den
geist / newe affect in vns eingepflanzt werde / Dan lete
das Euangelion / wañ der alte mensch in vns verwan-
det / vñ der newe eingepflanzt wirt . Hierumb probiret
die ergerniß / ob die newkeit im geyste bestendig sey oder
nit ic. Wie wol aber müssen ergerniß kommen / doch we-
dem menschen durch welchen es kompt.

¶ So aber deine handt od dein fuß dich ergert / so harwe **Text**
in abe / vnd wirff yhn von dir. Es ist dir besser das du zu
leben lahm oder ein Krüppel eingehist / dan das du zwo
hende oder zween füsse habest / vnd werdist in das ewige
feuer geworffen. Vnd so dich dein auge ergert / reiß es
aus vnd wirff es von dir. Es ist dir besser das du ein-
gig zum leben eingehist / dan das du zwey augen habst /
vnd werdist in das hellische feuer geworffen.

¶ Wer ins hymelreich kommen will / dem ist nit genug
das er vermeide keinen andern züergern / Sondern auch
das er yhm selber kein ergerniß zu zibe: kein lust soll ym **Suß:**
also lieb sein / den er nit als baldt abhawe / wo er yhn am
lauffen zum hymelreich verhinde. Die hädt ist das we **Hande**
reiß der fuß die lust oder begirde / Das abhawē geschichte
durch den glauben vñ wort gottis. Tu istts yhe dem men-
schen nutzlicher er verlasse einen zeitlichen lust / vff das
er zum reiche gottis come / dan das er ganz verdampft
werde. Es will das Euangelio alleine regniren vñ meys-
tern ins menschen hertzen / verwirfft alle vernüfft / we-
reiß ic. des menschen. Derohalben spricht der herre Jesus
So deine vernunfft gute meinunge lust oder begirde ic.
dich ergert / so besleye dich dieselbigē durch gottis wort
gereynigen / vñ durch den glauben abzuschneyden. O wie
gar vil sülen wir derselbigen sündelichen begirden vnd
menschen wahn in vns / Aber doch schaden sie vns nicht **I. Joan. 10**
an der selikeit / wo wir nur demütlich dieselbigen bes

Abhauen. Kennen: die handt oder der fuß ergert vnß/wan er dem
geseze vnd willen gottis widerstebet/Dan hawe wir
abe vnd werffens hinwegt/wan wir stillschweygende
vnßdem willen gottis ergeben mit vnterlassunge vnser
erer eygenen werck vnd kreffte/durch gehorsam des göt/
lichen worts/Vn das heist die heilige feyer wan wir still
halten/vnserer eygenen begirde vn werck müßig geen
Vnd got in vnß lassen wircken vnd reden/vnd vnß ver/
wandlen. Also sprach David/Ich will hörn was got in
mir reden wirdt/Wan nu also der mensch mit ezlichen
anfechtungen vnd ferlichkeiten versuchet wirdt/Als dan
mag er einen festen glauben haben/vnd ins reich gottis
Kömen: Der ist lahm der die handt vn den arm des fleys/
chs nicht hat/das fleisch auch nit leß seine stercke sein/
blest sich nit vff seine gütten werck/noch vff kein andere
creature. Ein kröppel ist inn dem nit herschet/natür/
liche lust vnd begirde. ic. Sondern alleine gottis wort
wonet vnd regniret in yhm. Zwo hendte sein zweyerley
werck die der mensch wircket/ezliche auß dem glauben
durch eingebung vn bewegung gottis/das ist die rechte
handt darmit got wircket/vnd des menschen sam eines
hädtegezeuges brauchet. Die andern auß natürliche kreff
ten durch reyzüge des teußels/das ist die lincke handt:
Roma. 13 Also benümpft die schrift werck der finsterniß vnd was
Joan. 3 fen des liechts/Werck der lügen/vn werck der warheit.
Zwene füße sein zweyerley begirde/oder zweyerley weiß
heit/nemlich des fleischs vn des geists/oder yrdisch vn
hymelisch. Also muß durchs wort Gottis abgehauen
werden/das yrdische/menschliche/sündliche werck vn
begirde/vff das gottis werck vnd willen stadt habe/vn
der mensch mit einer handt vnd füße selig werde. An
ist alhie die meinunge/Gleich als die ergerlichen falsche
leren/darinnē mā menschē gedichte handtlet/den klei
nen einseitigen/schwachen Chrißte versürlich der ganze

Welt
Alls
sein e
vnd a
ers ab
traw
s. pau
müsse
te töd
priedi
wort
gleich
gewa
Also
die h
gleich
wille
Er h
gnad
sam
Iten
lich/
gen/
sich e
strich
Das
weiß
Da
türli
den
flug
stils
serer
serer

welt schädlich/ vnd am reychen gottis ver hinderlich sein.
Also verhindern vñ schaden auch einē yzlichen menschē
sein eygene geduncken vnd begir den/ sein werck verdinst
vnd alles was menschlich ist oder fleischlich/ Derhalbē
ers alles soll faren lassen/ vnd allein vff gottis wort ver
trawen/ demselbigen sich gang ergeben/ So yr / spricht
s. Paulus/ nach dem fleysche lebet/ so werdet yhr sterben
müssen/ Wo yr aber durch den geist des fleischs geschef
te tödtet / so werdet yhr leben. Dan dartzu arbeytet die
predigt des heyligen Euangelij / das die menschen dem
wortte gottis vnterthenig gemacht werden / Darumb
gleich wie man durchs schwert ein landt oder volck mit
gewalt einnympt / vñ einem herre vnterthenig machet.
Also durchs wort des Euangelij hawet man den leuten
die hende vnd füsse abe/ sticht yhn die augen auß/ vñ der
gleichen/ biß so lange das man sie erwürgt / vñ dem
willen gottis gehorsam machet. Wie S. Paulus spricht
Er hab von gott durch Jesum Christum empfangen/
gnad vnd Apostell ampt vnter alle Heyden den gehor
sam des glaubens auffzurichten vnter seinem namen.
Item die waffen vnserer ritterschafft sindt nicht fleisch
lich/ sondern mechtig fur got/ zū verstoien die befestun
gen/ da mit wir verstoien die anschlege vñ alle höhe die
sich erhebt wider die erkantniß gottis/ vnd nemen in be
strickung alle vermunfft vnter den gehorsam Christi ic.
Das heist die augen aufstechen/ wann man der menschen
weißheit durch das Euangelion zur toheit machet.
Das auge ist die gute meinunge oder das liecht der na
türlichen vernunfft/ wellichs vnns dan ergert/ wann es
den radt gottis verachtet/ vnd seinē eygenen liechte od
flugheit volget Es wirt aber außgestochen/ wann wir
falschweigen / erkennen vñ bezeugen/ wie das liecht vn
serer vernunfft lauter finsterniß sey/ vnd folgen nit vn
serer eygenen flugheit/ sondern dem lauterem wort got

B ij

Roma. 8

Roma. 8

2. Corin. 10

Auge

Aufstechen

Prover. 3. a tis. Wie der weyße man ermanet. Lieber son bawe nicht
Einäugig vff dein eygene klugheit / **Einäugig** ist der nit lebt nach
ch seiner vernunfft / vñ hat alleine gottis wort sam das
andere aug / nach wellichs liechte er sich regiret darmit
er zum leben kömme / vñ nit verterbe / so er beyde augen be
hielte / Das ist neben dem worte auch seinē eygenen güts
duncken folgen wolte.

Text.

¶ **Sehet** zū das yhr nicht verachtet / ymandt von disen
kleinen / denn ich sage euch / **Yhre** Engele sehen allzeit
das angesichte meines vaters im hymell / **Den** des mens
schen son ist kömme selig zūmachen das do verloren ist.

¶ **Alhie** warnet der herie Christus abermals fleysig / für
zūsehen / das wir niemandt im glauben des **Euangelij** /
oder wege zur selikeit ergern. Wie auch got durch **Mos**

Leut. 19.

Deutr. 29.

sen gebot / du solt für den blinden kein anstoß setzen. **Itē**
verflucht sey / wer einen blinden yrrer macht auff dem
wege ic. die neinet er alhie **kleine** / **Dan** ein klein pusill im
glauben ist / der newlich durchs wort gottis geborn vñ
Christo verleybt ist worden ic. Solliche leute sollen wir
nit verachten noch ergern oder hindern / dan ob sie wol
für den menschen vñ der welt verachtet sein / haben sie
doch groß ansehen bey gotte. Auch also groß das er die
engel / yhn zū dienste verordnet hat / sie zū **Bewaren** vñ zū
versorgen / die doch allzeit anschawen das angesichte vñ
den willen meines vaters im hymell / **Dieweil** nu der va
ter sie also groß achtet / vñ sie also **Bewaret** mit so große
wechtern / erfolget das yhr sie nicht verachtē vñ gering
schetzen sollet / **Wie** sie dan verachten die anderst was le
ren / dan allein **Christum** vñ die götliche schrifft.

¶ **Merck** alhie eben vff die wort Christi. **Erstlich** sagt er
seheth zū das yr nicht verachtet / wellichs etwas mehr ist
dan ergern / verachten / ist one gottis forcht vñ liebe des
nehisten / frech einher faren in dingen die zur selen heyl
vnmötig sein / **Als** wan man one noet vñnd one vrsache

ans e
got g
heit
des n
Dan g
schich
ben au
ander
Verse
thue /
wir d
men /
aber n
dern i
got z
verord
kauff
er auc
er vor
verto
ampt
des er
will /
sich d
verach
¶ Dar
ben /
from
hang
verach
den g
so ang
zewan
verla

aus einem troze fleisch yffet/vnangesehen die schwache
got gebe got grüsse / Also wan man Chriſtenlicher frey-
heit / oder sonst yrgent einer gaben gottis nit mit liebe
deß nehisten / sondern nach eygenem luste mißbrauchet /
Dan gemeinlich was nicht auß liebe geschicht / das ges-
chicht mit verachtüge / Wan aber einer in rechten glan-
ben auß nottorfft one ydermans nachteil fleisch esse / od
anderer freyheit gebrauchete / das hiesse nicht verachten
Versehē gehet hin / das man etwan zu vil oder zu wenig
thue / aber verachten ist zu vil / Es sehelet vnß offte das
wir die schaff Chriſti vnd kleinen kinder gottis verſau-
men / vnd nit genügsamlich versorgen / Wir sollen sie
aber nicht verachten / sam weren sie nichts werdt / son-
dern in allen eheren mit fleiß yhr warnemen / dieweil sie
got zu kindern angenommen / seine engell yhn zu dienste
verordnet / vnd Jesus Chriſtus sie mit seinem blüte er-
kauffet hat / als einen ganz theüren schatz. Derohalbē
er auch alhie diſe viſache anzeygt / das sein ampt darüb
er vom hymel vfferden kōmen ist / sey selig zu machen dz
verdorben ist / Als wollt er sprechen / dieweil das mein
ampt ist den krankē verdorbenen zehelffen / darff sich
beß ewer keiner schemen : sondern wer mir nachfolgen
will / der sey mein mithelffer vnd nachfolger / vnd neme
sich der armen kleinen verdorbenen mit allem fleiß an /
verachte sie nicht / sondern trage sie vnd helffe yhn.
¶ Darnach spricht er / die kleinen vñ schwachen im glan-
ben / Man findt dreyer ley leut. Zum ersten die beständige
fromen Chriſten / so am woite Chriſti alleine festiglich
hangen. Zum andern / die gotlosen / So das Euangelio
verachten vnd verfolgen / vnd auff yhren menschen fiin-
den ganz ligen ic. Zum dritten / die kleinen schwachen /
so angefangen haben auß der Babilonischē gefenckniß
zewandern / die menschlichen / lügenhafftigen gesetzzu
verlassen / vnd allein dem Euangelio Chriſti zu folgen /

we nicht
lebt na
sam das
darmit
augen be
nen gü

von disen
allzeit
deß men
loren ist.
eyffig / fue
euangelij /
urch Moſ
setzen. Irē
auff dem
pusill im
ebon vnd
sollen wir
ob sie wol
haben sie
das er die
aren vñ zu
gesichte vñ
nu der va
it so große
vñ gering
erst was le
iffte.

lich sagt er
das mehr ist
vñ liebe deß
r selen heyl
one viſache

sind aber noch seüglinge vngelübet in Chrißlicher ritter
 schaft / bedörffen nach ymerdar d millich vñ tröstüg / ge-
 gen den man allwege Chrißtenliche werck der liebe erzey-
 gen soll / als gegen Christo selber / vñnd yhr zertlich ver-
 schonen / Also das einer gerne soll entperen seiner frey-
 heit / vñ gerechtikeit / wo er yhn darinnen dienstlich vñ
1. Coimt. 9 förderlich sein magt. Wie dann auch S. Paulus leret /
 Wie wol er vil freyheit habe der er sich brauchen möcht /
 Ra von yderman frey sey: Dennoch hab er der keiner
 gebrauchet / auff das die schwachen im Euangelio wur-
 den erzogen. Die ersten werdē nicht leichtlich geergert
psal. 118 dan yhr trost stehet auff gottis wort alleine / vñnd nit vff
 menschen lere oder exempeln / Von den spricht David /
 die dein geseze lieben / haben vil fryde / vñnd sie verlegt
 kein ergerniß / Ra auch die sünde ergert sie nicht / Son-
Roma. 8 dern hilfft yhn alles zum gute / den reynen sein alle ding
 reyne / Es schadet yhn kein gifft nit. Sie haben auch ge-
 walt vber die teuffel. Die gleyßner aber / vñ so zum got-
 losen hauffen gehören ergert / Auch die warheit vñ alle
 dingt / was nicht yhr dingt ist / den vnreynen ist nichts
 reine / Sondern yhr gewissen vñnd gemüte sein beslecket /
 dieweil sie auch one vertrauen zū got leben vñnd yhn nit
psal. 17 achten / als einen gütigen vater / sondern als einen tyran-
 nen / ist yhn auch got selber nicht gut / Wie David sagt /
 Mit dem heiligen wirstu heilig sein / mit dem verkertē
 wirstu verkert sein. Darumb verachtete Christus selber
Math. 15. die ergerniß der gleyßner / Dan solliche pflanzunge die
 sein hymelischer vater nicht gepflanget hat / wirt auff
 gerottet / last sie farē / sie sindt der blindē blinde leiter ꝛc.
Math. 12. alleine die dritten besilhet vñ Christus mit allē ernste /
 was wir der selbigen einem thun / will er annehmen sam-
 hette wirs yhm selber gethan.
Text. **Luc. 15.**
Was dunckt euch? Wan yrgent ein mensch hundere
schaff hette /

scha
 er r
 vñnd
 sind
 meh
 yrr
 nich
 wer
 T A
 cken
 Ne
 ewe
 so e
 vñnd
 sere
 and
 chs
 ver
 wen
 wir
 zū r
 wil
 sein
 der
 seli
 der
 lere
 wir
 ser
 vñ
 vñ
 ser
 yhr
 Al



schaf hette/vñ eins vnter denselbigē sich veryrrete/lessit
er nicht die mein vñ neünzig auff den bergen/ gehet hin
vnd suchet das veryrrete. Vnnd so sichs begibt das ers
findet/Warlich sage ich euch. Er frewet sich darüber/
mehr dann vber die neün vnnd neünzigē/die nicht ver-
yrret sindt. Also auch ifts fur ewrem vater im hymnell
nicht der wille/das yemandt von disen kleinen verlorn
werde.

¶ Allhie zeygt er an durch ein exēpel/das mañ die kran-
cken dulden/vnd yhn forthelffen solle: als wolt er sage
Nempt es bey euch selber abe/ mit was grossen ernste
ewer vater soige trage/das kein mensch verterbe/Dann
so ein warer getrewer hyrt vnd heri hundert schaf hat/
vnd eins daruon verleiret/so hat er fur dasselbige gröss-
sere soige/legt auch mehr arbeyt darauff/wañ auff alle
andere/ Na thut gleychsam giengen yhn die andern nis-
chts an/lessit sie in der wüsteney stehen/vnd leufft dem
verlornen alleine nach/ Hat auch mehr freude daruon
weñ ers wider bringet/dañ vñ all den andern ic. In dem
wirt vñs angezeygt die grosse liebe die got vnser vater
zū vñs/als zū dem verlornē schaffe hat/Dañ sein lust vñ
wille ist die bekerunge vnd seligunge des sünders/ Ist
sein wille gar nit das ymandt von den kleinen verterbe
der zur selikeit beschaffen ist/ dan er will alle menschen
selig werde. Solliche barmherzikeit gottis/ das er sich
der verlornē sünders also emslich annympt/ ist sein al-
tergrössste herlikeit vnd volkommenheit/ Darnach sollen **Luce. 6**
wir streben/so wir yhm ehndlich wöllen werden. Vñ vn-
serm nehisten mit leybe vnd güte dienen in allen sachen
vnd geschefften. Ist er arm das wir yhm dienen lassen
vnser güt. Ist er geschendet vñ ehrloß/das wir yhm vn-
ser ehre lassen ein deckel sein/ Ist er ein sünders das wir
yhn schmucken mit vnserer gerechtikeit vnd frömkheit/
Also hat vñs Christus auch gethan. Er hat sich vñ vñs
C

der ritter
stüg/ ge-
eße erzey
elich ver-
iner frey-
stlich vñ
lus leret/
en möch-
der keiner
elio wur-
geergert
nd nit vff
t David/
ie verlegt
ht/ Son-
alle ding
n auch get-
zum got-
eit vñ alle
ist nichts
besfleckt/
nd yhn nit
inen tyran-
wid sagt/
a verkarte
stus selber
gunge die
wirt auß-
de leiter ic.
lle ernste/
hmen sam-
ch hundert
haff hette/

2. Co:unt. 8 fern willen außgezogen vnd arm gemacht / der da vber
schwäcklich reich war / hat vns seine güter dienen lassen
auff das wir durch sein armüt reich wurden. Tu das eu-
ferliche werck der liebe ist sere groß / Wen wir vnser gü-
ter lassen den andern ein knecht werden / Aber das ist das
gröste / vnd das haubtstucke / wen ich mein gerechtikeit
hingebē / vnd dienen laß des nehisten sünden / dises ist dz
höbiste werck d̄ liebe / so ein from̄ man sein gerechtikeit
setzt für dē sünd̄er : ein from̄ weib yhr ehre für die ergü-
sten hūre. Sollichs vormagt die welt mit der vernunfft
nicht / die kanß nicht lassen / sie verachtet andere leut vñ
helt yhre from̄keit feste / die gleyßner verachten die sünd̄-
er / vñ halten sie vnwürdig yhrer gemeinschafft / Hier
umb fellet got zwischen den beyden ein vnterschied vñ sprichē
Das die heiligen sich sollē herunder werffen / vñ die sünd̄-
er auff yhre schultern laden / wie der from̄e hyrte thut /
vnd sie tragen / gedencken das sie mit yhrer gerechtikeit
vnd from̄keit den andern auß den sünd̄en helffen. Das ist
das aller beste / chrißtenlichste werck der götlichen liebe /
so sich gegen dem sünd̄er vñ feinde außstreckt / Do muß
ich yhn lieben vñ darzū hassen. Feindt muß ich sein seine
laster / vñ hertiklich straffen / Vñ dennoch im hertzen lie-
ben / das ich seine sünd̄t mit meiner gerechtikeit zudecke
So feindt soll ich yhm sein das ich yhn nicht leiden sol /
So lieb soll ich yhn auch haben / das ich yhm nachlauffe
vnd werde / hie der hyrte der dem yrrenden schaffe nach-
laufft / Vnd das weib die den verlornen groschen suchet.
Exodi. 32. Also thet Moses der wickelte sich mitten in die sünd̄e
des volcks / da sie das kalb hatten angebetet / vnd darnach
ben straffet er sie hart / vñ ließ yhr die yndtzwanzig tau-
sent erwürgen. Item Paulus straffete die Juden hart /
Roma. 10 hieß sie hunde / Dennoch liebete er sie also fast das er vñ
1. Reg. 12. yhren wegen verdampft wolte sein / nur das yhn geholfen
18. fen wurde. Item Samuel vnterließ mit für das volck zu

bitter
wor
nicht
wend
berey
fen. E
sein / r
junct
matr
all vn
net vn
suchen
verter
in hyn
in dē t
von si
vnd li
der du
yr alle
den an
vnd n

¶ S
straff
so has
so nyn
sache
Horet
gemey

¶ Alh
fom n
vñ bes

bitten da sie an got verzagte/ vñ nicht allein mit gottis
wort regirt woltē sein/ sondern einen kōnig haben. Aber
nicht destminder straffete er sie hertiklich darumb/ Vñ
wendig im herzen sollē wir liebe tragen/ vñ zum dienst
bereyt sein/ Auswendig mit d zungen sie ernstlich straf- 1. Corinth.
fen. Es müssen all vnserē gūter vñnd gaben eins andern 12. 13
sein/ vñ auß liebe. den armen notdōsttigen. Es muß ein
juncckfraw der hāren yhren kranz auff setzen/ Ein frome
matron der ehebiecherin yhren schlewer vñbinden/ vñd
all vnser thun des andern sūnde zūdecken. Dartzū erma-
net vnß allhie Christus/ das wir die yrrigen sollē wider-
suchen / gleich wie der hymelische vater nit will daß sie
versterben sollen/ vñd all aussereyeten/ auch alle Engel
in hymell haben yhre grōsiste freude vñd volkōmēheit Luce. 15
in dē daß sie sollich werck der liebe sollen ūben/ vñd yhn
von sūnden abhelffen / einer hat in disem leben freude
vñd lust/ wan er wol singen kan/ der ander an studiren/
der dritt im spielen ic. die fromen seligen menschen habē
yr allergrōsiste freude vñ selikeit darā/ daß sie mit liebe
den andern notdōsttigen dienen/ vñd yhnen von sūndē
vñd notd abhelffen/ vñd zū got bringen mügen.

¶ Text.

¶ Sündiget aber dein brüder an dir/ so gehe hyn vñd
straff yhn zwischen dir vñnd yhm alleine / Höret er dich
so hastu deynen brüder gewonnen. Höret er dich nicht/
so nymb zū dir noch einen odder zween / auff das alle
sache bestehe auff zwey odder dreyer geüigen munde /
Höret er die nicht / so sage es der gemeyne/ Höret er die
gemeyne nit/ so halt yhn als einen Heyden vñd zolner.

¶ Allhie leret der herr Christus mit wasser Christenlicher
form man die gebrechlichen/ sündigen menschen straffen
vñ bessern solle/ vñd nit alleine sie in yhrē gebrechlicheyt

mit ergern vnd dulden / sondern auch bessern vnd derselbigen abhelffen : Es ist nit genügt das du niemandt ergerst vnd beleydigest / du must auch als vil dir müglich einem yeden abhelffen seines elendes. Derohalben disertert nit alleine die Bischofe vñ hirten der kirchen / sondern alle Christen in gemeine belanget. Dañ der heri spricht / Wan dein bruder an dir sündiget / oder dich beleydiget ic. Erstlich spricht er wan dein bruder / das ist d auß einem worte gottis vñnd einer tauffe widergebom ist / Welliche das wort des Euangelij nit annemen / vñnd nit Christenliche bruder sein / an dehn hilfft kein straff noch besserüg / Gehen vñs auch nicht an / Wie S. Paul⁹ sagt. **1. Co. 13. 5** Was gehen mich die draussen an / das ich sie solt richten / richtet yhr nicht die da hinnen sind / Got aber wirt die draussen sindt richten / Sünde straffen ist ein werck des heiligen geists / dardurch der sündler zü bekentnis vñnd beychte seiner sünden bracht wirt / die aber das Euangelion vñ wort gottis verachten / widerstreben dem heiligen geyste mit vnuergeblicher sünde / derohalben kein straffe an yhn nicht bewandt ist. Zum andern spricht er wan dein bruder sündiget / vernym auß menschlicher gebrechlichkeit nicht auß freuentlicher vorsetziger bosshett / dan er redet alhie von den kleinen schwachglaubigē die man dulden vñ Besseren soll. Zum dritten / an dir nicht an gote / an einem andern / oder an der ganzen gemeine / dan sollicher gestalt kanstu in frembden sachen nit richter oder handler sein / ob du wol ein vorbitter seyest. Darzū ligt einem yden sein eygene sache am hertiste an / richtet an gestrengisten darinnen / derohalben / wan er kündliche liebe beweyset gegen den / die yhn beleydigen / Ist kein zweyfel er werdt fürderlicher beweysen gegen den andern sündern ic. ¶ So gehe hin zü yhm / erwarthe oder begere nicht. das er zü dir kome / vñnd dir züfussen falle / die rechte liebe feyeret nicht / sondern suchet allwege d

verle
¶ De
schen
pfl
Eneck
weg
auff
thue
stige
dari
alles
zū v
oder
du a
für d
stra
die d
and
brü
ken
hoff
toib
wun
me
dur
sere
ma
das
auf
per
gan
alle
yh
ker

verlome schaff/wolt yderman gerne zum besten helfen.
¶ Vnd straffe yhn/Spricht nit verhöne/verlestere oder
schende yhn / wie die hoffertigen / zornigen/ neydischen
pflegen zethun / Als auch der schalckhafftige vntrewe
Knecht seinen mitknecht vnterdruckete von der schulde
wegen. ¶ Zwischen dir vñ yhm alleine/ nicht öffentlich
auff das er sehe das du es trewlich auß brüderlicher lieb
thuest zu seinem besten / Offenbare nit sein laster / belu-
stige dich auch nit darinnen/wie die few im kot/handle
darinnē nit auß rachselse/sondern auß liebe. ¶ Sollichs
alles ist vñ heymlichē sünden/vñ sundlichen verlezunge
zū vornehmen / Als wan er dich alleine beleydiget hat/
oder heymlich gesündiget das es niemandt weiß / dann
du alleine/Dan so er andere beleydigete/ oder öffentlich
für den andern sündigete / Soll er auch öffentlich ge-
straffet werden/Wie S. Paul: Thimoteon vnterweist
die da sündigen / die straffe für allen / auff das auch die
andern forcht haben. ¶ Höret er dich/vnd nympt deyne
brüderliche straffe züberzen / also das er sich darauf er-
kenne als einen sündler vnd demütige/ als er vorhin auß
hoffart gesündiget hat/ So hastu deinen verlomen/ver-
torbenen brüder gote/vnd dir selber widerfunden vñ ge-
winnen/Also das nit alleine yhme/sondern auch dir ge-
meheret wirt heyl vnd selikeit. ¶ Wir meinen offtmals
durch vilfeltige werck/vil bey gote zū verdienen vñ vn-
sere selikeit zūmeheren. Aber alhie zeigt Christus an wie
man heylsamlich wüchern vnd gewinnen solle/ in dem
das man die sündler zū rechte binget / vnd also die zal vñ
außerweleten meheret. Sollichs magt auch wol ein su-
pererogation oder zū büsse genandt werdē. Schaw wie
ganz stehet vnser heyll/wücher/gewinß / vnd zūnehmē
alleine darauff das wir die sündler annehmen/ vñ yhn zū
yhrem heyl dienen/ Vnser gewin ist so wir die sündler be-
keren zur frömkheit. ¶ So er dich nicht höret/vnd in ge-
C ij

1. Timot. 5

Luce. 10

Deut. 17

heyne sich nicht erkennen will / so nym zu dir noch einen
oder zween vff das alle sache bestehe in zweyer od dreyer
mundt / nach inhalt des gesetzes / Es hat der herr verhey
ffen / wo yhr zween oder drey in seinem nahmen versam
let sein / da wolle er in yrem mittel sein. Darumb ob der
sünder die straffe von einem yhe nicht wolte annemen /
hette villeicht denselbigen verdecktig / als handlete er
nicht auß liebe zu besserung des sünders / sondern auß
rachsfall oder eygenem gesuch / Kan ers yhe nit wegern /
wan er vß zweyen oder dreye büderlich / mit freüntlichē
worten gestraffet wirt / Diweil Christus gesagt hat er
sey bey yhnen / Darzu sie gegen yhm nichts anderst zu set
ner bekerunge furwenden / dann wort der liebe / Durchs
wort regiren vnnnd handeln die regirer der kirchen / Nit
allein aber soll er zween oder einen zu sich nehmen / dar
umb das er dem sünder ein güte züuersicht / das man yn
trewlich meine / gebere : sondern auch darumb das er nit
hinter sich fliehen müge / wan er mit zweyen odder dreyen
zeügen verhasstet ist . Dan wo er die nicht höret / vnnnd
auß yhrem ermanen sich nicht bekeret / So sage es der
gemeyne / vnnnd mache es kundt fur yederman / auff das
er die gemeyne schewe / vnnnd der gemeynen furbit vnd
ermanunge yhm müge hellffen : Höret er die gemeyne
nicht / so haltt yhr als einen Heyden vnd verbannten .

1. Corint. 5

¶ Hierauff sehen wir wie fleysßlich wir arbeiteten /
vnnnd einander trewlich hellffen sollen / einen sünder zu
bekerenn / Auch nit ehr denn selbigen verbannen / dann
wann er die gemeyne verachtet / vnnnd sich selb darnon
sam ein vntüchtig gelyddmaß abesondert / Dann auch
Sanct paulus ein schöne form angeygt . Wie es mitt
dem bannen der eusserlichen abesonderunge gehalten sol
le werden / in der Ersten Epistel zu den Corinthiern am
funfften capit. Nemlich zum ersten / das sein vbertret
tung vnd sünde sey öffentlich vnd ergerlich den andern

¶ Zu
der
hand
besch
mit n
walt
oder
der z
herie
steht
selen
vñ ze
mit b
des f
Jesu
vnd r
ym se
¶ Wo
det / s
auffe
Wey
den a
soll y
wo zu
men /
¶ O
Jesu
geh
yhre
vmb
keine
walt
die si
zeitli

¶ Zum andern/das nit ein yeder seins gefallens den sünd
der verurteyle / sondern das ein gemeyne versamlet
handle/odder auß befelh/vnd von wegen der gemeinen
beschee / derohalben spricht ehr in ewrer versammlung
mit meinē geist. ¶ Zum dritten/im nahmen krafft vñ ge
walt vñsers herren Jesu Christi/ Nit mit dem schwerdt
oder weltlichem gewalt/ Dan sollicher gewalt die sünd
der zū bannen/ binden vnd lösen / ist ein gewalt vñsers
herre Jesu Christi. Dieweil es kein zeitlich gütantriffet/
steht nur im worte/geet auch mit dem worte/zū heil der
selen. Hierüb ist es ein teüfelisch dingt die lent vñ gelde
vñ zeitlich güt darüber weltlich schwert zürichten hat/
mit banne zū handeln ic. ¶ Zum vierdten/zū verterbung
des fleischs/vff dz d̄ geist selig werde am tage des herre
Jesu/das ist/das sein stolzer müß/ eygener wille/troz/
vnd was fleischlich ist vnter gedücht/gesterbet/vñ er in
ym selber beschemet werde.

¶ Warlich ich sage euch/was yhr auff erden binden wer
det/soll auch im hymell gebunden sein / Vñnd was yhr
aufferden lösen werdet / soll auch im hymell loß seyn/
Weyter sag ich euch / wo zween vntter euch eynis wer
den aufferden/warumb es ist/das sie bitten wollen/das
soll yhn widerfaren von meinem vater ym hymell/ Den
wo zween odder drey versamlet sindt in meinem nah
men/da bin ich mitten vnter yhn.

¶ Wie gar ein grossen trost verheysset allhie der herr
Jesus allen sündern/auff das sie yhe die gemeyne kirch
gehorsamlich hören sollen/vñnd gewiß sein das yhn
yhre sündt dardurch vergeben werdenn / Zerwüder
vmb wo sie die Christenliche gemeine verachten wirt ym
keine sünde vergeben. Dan darumb sezt er alhie vom ge
walt der Christen/vñ zeigt an dz sie vollen gewalt habē
die sünde (darüber allein die kirche richtet/vñ mit vber
zeitlich gut) zū bindē vñ löße vñ das kein sündt vachte
solliche straffe

Text.

straffe vnnnd vermanunge / Dartzü auch keiner in seinen
sünden verzweyfle / dieweil er vom herren Christo selbist
sollich verheysung hat / das yhn die mensche seine sün
de auflösen mügen auß götlichem gewalt / vñ das es im
hymel für gottis gerichte soll krafft haben. ¶ Das heist
gewaldt der schlüßell / dardurch die Christen vnter sich
einander den hymel auf oder züschliessen. Wellichs also
zünnerstehen ist. Der hymel ist die entpfindliche erkende
niß / vnnnd sülen der gnaden gottis / Also das du gewiß
seyest / got wölle dir wol / sey dein günstiger lieber vater
vnnnd dir gnedig vmb Christus willen / ob du gletch eyn
armer sündler bist / Wan der mensch diß erkñet / so wirt
die gewissen frölich / fridsam / vñ lobendig. Hierumb auß
sollicher erkentniß (die alleine der vatter offenbaret)
stehet das hymelreich vnd ewige leben. Nu hat die Chri
stenliche gemeine / vnd ein yder Christen Befelh vñ macht
die andern menschen zürichten / ob sie dise erkantniß der
gnaden gottis / mit rechtem glaubigen hertzen erkennen
oder nit / Ob sie vngeweyflet glaube / das yhn yhre sün
de vergeben sein bey gote / oder nit. Vnd darauff dan sol
liche gnade gottis predigē vnd offenbaren / Vnd die es
glauben auflösen / Die es nit glauben verbinden / Dann
sollichen gewalt zü binden vnnnd zü lösen hat / die kirche
der gestalot das sie bestetige / ratificire vnd app: obire /
die vergabung der sünden so vñ gote (der allein sünde
vergibt) bescheen den glaubigen / odder vorbehaltungē
den vnglaubigen.

¶ Hierumb bindet der schlüßell gewalt die nicht glaube
das yn yhre sünde vergeben sein / vñ bleyben also im vov
satz zü sünden : löset auß vñ vergibt die sünde allen die
do glauben das sie yhn vergeben sein / Geschicht alles
durchs wort / darauff diser gewalt gar mit einander ges
gründet ist. Darauff siehestu wie der schlüßell / gewaldt
kein oberkeit odder tyrannische iurisdictio sey / das yhn
auch nit

auch
Ist
Chri
sel /
men
ben /
wort
¶ All
verh
gew
walt
tro g
weit
meyn
sey. 3
sein /
der s
kirch
der k
kirch
sey v
Nem
mehe
verh
bung
biot
stetig
nit w
zü be
verg
heyl
Wan
statu
nicht

auch nit brauchen/dañ alleine die mit dem worte handlẽ
Ist einem yden Christglaubigen gegeben. Dañ alle die
Christo sein eingeleibet habẽ/zũgleich gewalt der schlüs
sel/Dañ got sibet nicht an die laruen oder personen der
menschen. Es sein alle Christen ein dingt in einem glau
ben/Bekennen einen got / haben eine tauffe / sein durchs
wort auff einen felsẽ Christum erbawet:

¶ Alhie wirt gegründet die Christenliche büsse auff dise
verheissunge Christi / da er verheisset es solle die sünde
gewislich vergeben sein/wañ der schlüssel/das ist die ge
walt der kirchen/entpindet/Vorhin hat er allein zũ pe
tro gesagt/was du wirst bindẽ ic. Alhie erkleret er sich
weiter das nicht allein Petro / sondern der ganzen ge
meyne/vnd einem yden Christen sollich gewalt verlihen
sey. zeigt an das die schlüssel nit allein Petri oder Pauli
sein/sondern der ganzen gemeine. In dem das er sagt/
der sündler solle durch gemeynen radt vnd beschluß der
kirchen verwoiffen werden ic. Die Bischofe vnd diener
der kirchen/Entpfahen die schlüssel von der gemeynen
kirchen/gebens nicht der kirchen. ¶ Was aber die kirche
sey volget da er spricht/wo ewer zween bewilligen ic.

Nemlich ein verwilligung vnd eynikeit zweyer odder
meherer im glauben: Dañ eben das Christus yhr vielen
verheisset/das verheisset er auch yhr zweyen/als verges
bunge der sünden / gemeinschafft des Sacraments ym
brot vnd wein ic. Man pflegt durch dises wort zũbe
stetigen die Concilia der Bischofe ic. Aber sollichs gildt
nit wexter/dañ wo sie zũsamen kómen im nahmen Jesu
zũ besserunge des glaubens/fóderunge des Euangelij/
vergebung der sündẽ/trost der gewissen ic. vnd anderer
heylsamen dingt so durchs wort gottis geübet werden/
Wañ sie aber vñ yhres geyrs/eygen nutz/ preuilegien/
statuten vñ der gleichen/wegen zũsamen kómen/ heists
nicht im nahmen Christi/sondern ins teufels nahmen vñ

D

in seinen
to selbist
seine sün
das es im
Das heist
onter sich
lichs also
e erkende
du gewis
ber vater
gleich eyn
et/so wirt
rumb auf
enbaret)
t die Chi
vñ mache
ntriß der
n erkennen
yhre sün
ff dan sol
Vnd die es
den/Dann
/die kirche
pp:obire/
lein sünde
ehaltungẽ
cht glaußẽ
lso im vor
de allen die
hicht alles
inander ges
l/gewaltet
ey/das yhn
auch nit

sa nplet sein / köpft auch auß sollicher vrsamlunge nicht
v gebunge / sondern merüge der sünden / Nicht bekerüge
vñ besserüg / Sondern vblendung vñ ergerüge der mens
schen. Ein Christenliche kirche oder versamlunge ist ein
eintrectige verwilligunge im geistlichen glauben. Im
nahmen Christi bitten vñ handeln / ist in den sache hand
len / die Christus befolhen vñgeleret hat / darinnen seine
warheit / gerechtikeit / vñ ehre gesuchet wirdt ic. Wo
wir das vnser suchen / da ist vnser nahmen ein nahmen
der lügen / sünde / eytelkeit ic.

¶ Auß dem allem haben wir den trost das wir an keine
sünder verzweiflen sollen / sondern gütten zü vorsicht ha
ben vñ vñ sünden zehelffen / dan darumb hat er vnñ die
schlüssel verlihen / das wir dester fleissiger vñ trostlicher
mügen handeln zü bekerunge der sünd.

Text. ¶ Da trat Petrus zü yhm vñ sprach / Herz wie offte muß
ich dan meinem brüder vergebē? Ists genug sibē mal?
Jesus sprach zü yhm / Ich sage dir nicht sibē mal / son
dern Sibenzig mal sibē mal.

¶ Vormals hat der herze Christus angezeigt / wie man
schon faren / vñnd weyßlich handeln solle mit den kran
cken im glauben / das man die selbigen nit ergere vñ vor
terben lasse / Sondern keinen fleiß sparen solle / die yrrü
gen sündner widerumb vff die rechte bane zebingē. Dero
halben auch weiße vñnd form gegeben / wie man mit den
sündner handeln solle / das sie bekeret mügen werden.
Nemlich wo es die nott erfordert / das man darzū mit al
lein zween od drey / sondern auch die ganze gemeine vñ
hülffe anruffe / Dan dieweil der ware gottis sön Christ
vnser herz / von des wercks wegen auff erden kōmen ist /
die sündner züseligen / soll billich die ganze Christenheyt
daran auch einüg sein / vñnd fleissig anhalten / Auff das
aber das wirtlin kirche od gemeine kōndt sey / hat er er
kleret was kirche sey / Nemlich ein versamlunge zweyer

dreyer
daru
kreff
vnd b
geben
ben w
steher
inß b
Christ
gotte
daran
sünde
die be
zum l
sünd
sagt
offte d
difen
es nic
S me
stus p
nen e
setzt
geben
Also
ernst
de al
vertr
auf s
ben s
Es s
vnñ
brü
viel

dreyer oder vieler im nahmen Chusti/ Vnter behn ist er/
darumb erlangen sie gewislich was sie bitten. Ist auch
kressig alles was sie handlē / darumb das Christus mit
vnd bey yhn ist ic. Alhie nu leret er wie offt die sünde vñ
geben sollen werde/ Vileicht wüste Petrus das geschu-
ben was / Der gerechte sellet des tages siben mal/ vñnd
stehet widderumb auff/ Aber die gotlosen werden fallē
inß böße/ die fromen glaubigen vertrauen in dise wort
Chusti / werden also von yhren sünden entlediget / Die
gotlosen vnglaubigen/ so auf dise wort nicht vertrauē
daran auch nicht genüge haben/ stehen nit wider auff vñ
sünden / Sondern fallen in verzweyflung. Der halben
die bekentniß der sünden stets weren soll/ vnd nötig ist
zum heyle / Es waren ezliche kezer die hielten das die
sünde nach der tauffe nicht vergeben würde. Darwider
sagt allhie der herr das sie als offt vergeben werde/ als
offt der mensch sündiget vnd widerkeret. Zeygt auch in
disen Worten an/ wie das fleisch allzeit sündige/ dieweil
es nicht gar getödtet ist/ vñ dennoch nichts destminder
d mensch zū got allzeit vertrauē soll. Dan dieweil Chri-
stus Petrus heist vergeben sibenzig mal siben mal/ darin
nen er vnzehlich vil mal begreiffet/ vnd eine gewisse zal
setzt fur eine vnendliche. Wie gar viel mehr will er ver-
geben der von natur viel gütiger vnd barmherziger ist
Also das er die liebe selbist ist/ vnd nichts so begirig vñ
ernstlich suchet/ als das heyl der sündler. Hierüb die sün-
de als offt vergeben wirt/ als offt wirs erkennen/ vñ vff
vertrauen der verheysfunge Christi gnade begeren. Dar-
auf sollen wir lernen/ das wir dem brüder sollen verges-
ben so er vnns verlezet/ als offt er wider vnß sündiget.
Es soll vnß das auch nit schwer sein zethun / dieweil
vnß got vnser sünde vergibt/ als offt vñ dicke wir den
brüdern vergeben / Es ist auch vnser sünde wider gott
viel ein schwerer schuldt/ dan eines menschen gegē dem

Prover. 24

1. Regū. 2 andern/wie wir lesen / So ein mann wider den andern
sündigt/magk yhm got verſünnet werden: So aber eyn
mann widder got ſündiget/wehr wirt fur yhn bitten
Darvon folget.

Text. ¶ Darumb iſt das hymelreich gleych einem künige / der
mit ſeinen knechten rechen wolt/vnnd als er anſingk zū
rechen/kam yhm einer fur/der war zehē tauſent pfunde
ſchuldig/da ers nu nicht hatte zūbezale/ Hieß der herie
verkauffen/yhn vnd ſein weib vnd ſeine kinder/vñ alles
was er hatte/vnd bezalen/Da ſiel der knecht nyder vnd
bettet yhn an vnd ſprach/Herr habe gedult mit mir ich
will dirs alles bezalen.Da yamert den herin deſſeligen
knechts/vnd ließ yhn loß/vnnd die ſchuldt erliß er yhm
auch: Da giengt der ſelbige knecht hinaus/vñ ſandte ei
nen ſeiner mitknechte / der war yhm hundert groſchen
ſchuldig/vnd er greyf yhn an/vñ würgert yhn/vñ ſprach
Bezale mir was du mir ſchuldig biſt / Da ſiel ſein mit
knecht nyder vnd bat yhn/vnd ſprach/Habe gedult mit
mir ich will dirs alles bezalen/Er wollt aber nicht/ſon
dern gingt hin vñ warff yhn inſ gefenckniß/biſ das er
bezalet was er ſchuldig war / Da aber ſeine mitknechte
ſollichſ ſahen/worden ſie ſere betrübet/vnd kamen/vnd
brachten fur yhren herien alles das ſich begeben hatte/
Da foddert yhn ſein herie fur ſich vñ ſprach zū yhm/Du
ſchalck/alle diſe ſchuldt hab ich dir erlaſſen / dieweil du
mich batift/Solleiftu dan nit auch dich erbarmen vber
deinē mitknecht/wie ich mich vber dich erbarmet habe
Vnd ſein herie wart zornigt/vnd vberantwort yhn den
peynigern/biſ das er bezalet alles was er yhm ſchuldig
war. Also wirt euch mein hymeliſcher vater auch thun/
ſo yhr nit vergebt vō hertzen ein yglicher ſeinem brüder
ſeine ſeyhele.

¶ Auß diſer parabol ſehen wir das vnſ der herie Jeſua
nit alleine gewalt gibt die ſünde zūergebē/vñ ſern mit

brü
vern
Dan
wid
ten
ſern
ſer
vnſ
ſünd
vnſ
vnſ
cher
lich
ſein
Wo
vnſe
gebe
ſel
cht/
gnat
im
gen
deru
vnd
auch
durc
lich
iſt
ſchu
gege
ſer
nich
leter
vnſe

Bündern/Sondern auch bey verlust des heils/vnd ewigē
vermaledeyunge/darzu dringet das wir sollen vergebē/
Dañ wo wirs nit thū/so will vnß got all vnser schuldt
widerumb zū rechnen/Wir können auch nit ferner bit- **Math. 6**
ten vmb verggebung vnserer sünde/Dañ so ferne wir vn-
sern schuldigen vergeben/Sünder sein wir vnd all vn-
ser leben vnd werck ist vntügenlich/darumb müssen wir
vnß stetigs erkennen/demütigen vnnnd tödten/als arme
sünder/vnd vmb gnedige verggebung bitten/Welliche
vnß dan auch der barmherzige got züsagt/Darumb er
vnß heist bitten verggebunge/Aber doch henger er solli-
cher seiner züsagunge ein zeichen an/darbey wir gewiß-
lich erkennen das vnß vnser schuldt von gote vergebē
sein/das ist/So wir den menschen vergeben yhre seyhele
Wo wir aber den menschen nicht vergeben/so wirt vns
vnser vater auch nit vergeben/Vergebt so wirt euch vñ
geben werdē. Darzu ermanet vnß der heri in diser paras-
bel sprechent/Gleich als in menschliche hendlen geschis-
cht/das dem der einem gnade beweiset hat/Widerumb
gnade von einē andern erzeigt wirt/Also will ich euch
im hymelreich/der Christenlichen kirchen auch thun ges-
gen dem der einem andern die sünde vergibt/Vñ herwi-
derumb/wehr einem andern nicht gnade beweist/vgibt
vnd als viel müglich der sünden abhilfft/Dem will ich
auch dergleichen thun/wir sein alle gottis schuldener
durch vnserer ersten elldern fall/in solliche schuldt erb-
lich komen/Vñ vnser schuldt so wir gote schuldig sein/
ist vber die masse viel grösser/dañ die vnß andere leute
schuldig sein/Ist dargegē gleich wie zehetausent pfunde
gegen hundert groschen/Darzu vermüge wir durch vn-
ser vernunfft/freyen willen/vnnnd alle krefftē der natur
nicht so viel/das wir bezaleten oder gottis gelt erfüll-
eten/Sein ganz verkaufft vnter der sünden/mit allem **Roma. 7**
vnserm leben vnd thun/vñ auß dem gehorsam der erste

elbern so gar vergiffte vnd verstrickt / das wir nicht loß
mögen werde / dan auß gnaden gottis / wellicher vnser
schreckt in dem / das er vnß heisset verk auffen ic. vff das
er auß solliche schrecken vnß zü forcht vn bitten bewege
Zierumb kein ander mittell ist / dan das wir nyderfallē
vō ernste zur barmherzikeit appellirē / vnß selber demü
tlich erkennen / Christū allein als vnsern herin vn selig
macher ersuchen / vnd zü got vmb gnade schreyen / Herre
habe geduldt mit mir / Ich will dirs alles bezalen / auß
dem vberflüssigen scharz meins herin Jesu Christi: Auff
solliche demütige bekentniß erbarmet er sich vnser / Dan
wir mögen kein opfer geben / dan einen bereweten geist /
got verschmehet nicht ein gedemütiget / berewet herze
das sich selber beschuldiget / Vhm selber die sünde / lüge
vnd bosheit / Allein gote die gerechtikeit / warheit / vnd
güte zülegt / Wens herze also genyderiget vnd außge
lehert ist / So kan got sein gnade darein gießen / lest yhn
loß / vnd vergibt yhm die schuldt one all entgeldtniß /
Erfordert nichts vō yhm zü genugthüunge vn abtrag /
dan er ist got / derohalben bedarff er vnser güter nicht /
Alleine das will er vō vnß haben das wir gegen vnsern
mitbrüdern barmherzikeit erzeygen sollen / wie wir von
gote empfangen haben / vnnnd yhre götter sein / Als der
herre vnser got ist / in bewey sung der wolthet vnd güte /
darmit wir bekennen vn öffentlich außbreyten die gnad
gottis / so vnß verlihen ist. Der glaube machet rechtfer
tig in dem / das er allein vff gottis güte barwet / Auß sol
licher gerechtfertigunge fließen güte werck / Welliche
nit anderst sein / dan liebe vnd dienst gegen dem nechste
erzeygen / wo wir das nicht thun / So ist vnser glaube
nur ein schein vnd lauter gedichte gewest / haben gottis
güte nie recht in der warheit erkandt. Sihe an dise pa
rabell / von dem vndanckparen knechte / der die güte sei
nes herren geringe schezte / Vnd nit der gleichen gegen

psal. 50

psal. 15

Satis fa
ctō ē proxi
mo dimite
re.

seine
yhn
herr
q3n
Das
erke
sünd
also
erka
neht
knech
käte
vnn
Dar
bey
vnt
er n
gern
rech
sten

Gen
stell
schu
We
einer
cht
Wo
Wo
Ein
aber
bitt

seinem mitknechte thun wollte / Sondern beschwerete
yhn / stöckte yhn one barmherzikeit / derohalben er des
herren vngnade vnd ewige pein erlangete.

¶ Zwey stücke sein vnß nodt in vergebung vnserer sündē
Das erste ist der glaube / daß wir one zweyfel gewislich
erkennen / das vnß got auß gnad vñ barmherzikeit die
sünde verzeyhe / dan wie ich got in meinē herzen achte /
also ist er mir auch. Das andere ist die liebe / das wir der
erkanten gnade vnd vergebung zū trost vñ nutz vnser
nehisten brauchen / In beyden stuckē was straffbar diser
knecht / Dan er nit danckbarlich annahm / noch recht er
käte die grosse gnade gottis / Darzū vnbarmerzikelich
vñ vnfreundlich sich erzeygte gegen seinem nehisten /
Darumb verdienete er zom bey seinen mitknechten / vnd
bey dem herren / Wellicher yhn schmehete ein schalck vñ
vntrewen knecht hieß : Warff yhm fur die wolthat der
er nit zū heyl gebrauchet hatte : Obergab yhn den peini
gern / Dergleichen will er vnß auch thun / wo wir nit in
rechtem glauben erkennen gottis gnade / vnd auß Chri
stenlicher liebe gegen vnsern schuldigern gnade erzeygē.

Alhie sihestu das.

Genügthünge fur die sünde / ist ein yden ins herze ge
setzet / vnd ist nit anderst dan von herzen vergeben den
schuldigern.

Wer nit vergibt / der erkēnet nit gottis güte / hat nicht
einen rechten glaube / darumb sein yhm die sünde nie re
cht vergeben.

Wo der glaube recht ist / da kōmen die sünde nicht wid. 3

Wo sie aber widkōmen ist der glaube nit rechtschaffen.

Ein warer glaube leydet wol viel anfechtung / vñ lischet 4
aber nit gar. Darüb wir allzeit in forchtē stehen vñ got
bitten / seine gnad mit aller demüt erkennen sollē. Amē.

¶ Gedruckt zū Aldenburgk. 1 5 2 5.

Faint, illegible text, likely bleed-through from the reverse side of the page.



m
ob
ulu
u
it
am
lila
lla
fi
p
s u
urb
na G
dott
i der
So
tra
ne.
actit






Georgs-B.
1015







5.



Das Achtze=
hend capitel Adat-

